

gelde hat der rath enphangin 5 ß 50 gr, der voit czu Werda 9 guldin und czum Heiligin Geist 5 alde ß gr.

a) folgt durchgestrichen ab

## 1029.

(1459) November 28

### ***Nickel Bader bekennt eine Schuld und verpfündet seine Badestube.***

fol. 193r <sup>(a)</sup>Nickel Badir in der obirn stuben hat bekanth, daz er an kauffe der badestuben synem swagir und synir swiger redelichir schuld czu gelden schuldig ist 40 nuwe schogk groschen iczlichem 20 nuwe schogk groschen. Des hat er gereth synem swager ye uff daz jar 5 nuwe schogk des ersten czu bezalen<sup>b)</sup> bisz so lange, daz er òm dy schuld uszgericht und bezalt hat und dornach syne swiger auch uff daz jar 5 nuwe schogk, so lange daz er dy schulde gancz bezalt hat. Und Nickel Badir hat synir swiger und synem swager dy schulde mit der badestuben vorphant, dy wir òn widir czu phant lehen gelihin haben, ab òn Nickel Badir, als geschriben stet, nicht uszrichtung thun wurde, so mogen sy sich der nicht bezalten schulde vor ydirnenlichen doran irholen. Actum quarta feria post Katherine. Auch hat Nickel Badir bekanth, daz biderweluthe czwischen on beteidigit habin, wurde er dy badestuben widir vorkauffen, so sal er on dy stuben widir an schiben und vor 60 ß gr czu kauffe gebin, ab sy dy kaufen wolden. Woldin sy abir der vor sulche summe geldis nicht haben, so mochte er dy wem er konde vorkauffen.

a) alles durchgestrichen b) folgt durchgestrichen und dornach

## 1030.

(1459) November 28

### ***Michel Husman bekennt eine Schuld und verpfündet einen Garten.***

fol. 193r <sup>(a)</sup>Michil Huszman hat bekanth, daz er Hans Brutigam an kauffe des garten und huszis doruffe gebuwit redelichir schuld czu gelden schuldig ist 15 nuwe ß gr, daz er gereth und globit hat usz czu richten dy helffte uff den ostirmargk czu Lipczigk und dy andere helffte nesten dornach folginde und sulche schulde mit dem selben gekaufften garten vorphant. Ab er bezalung nicht thun wurde, so mag sich Hans Brutigam der nicht bezalten schulde vor ydirnenlichen und an uffgeboth doran irholen. Actum quarta feria post Katherine coram magistro consulum Hans Schengkin et suis juratis.

a) alles durchgestrichen